



Կոտայքի մարզում հունիսի 18-25-ը անցկացվեց ՀՀ Նախագահի ամենամյա մրցանակի համար սահմանված «Լավագույն մարզական ընտանիք» մրցույթի մարզային փուլը: Այս տարի հորելյանական է՝ նշվում է «Լավագույն մարզական ընտանիք» մրցույթի 10- ամյակը: Մրցումներն անցկացվեցին Չարենցավան քաղաքի մարզադաշտում: Մարզային փուլի մրցումները սկսելուց առաջ մարզական ընտանիքներին հանձնվեցին համայնքային փուլում շահած դրամական մրցանակները և հաղթանակը փաստող հավաստագրերը: Բյուրեղավանից մարզային փուլին մասնակցում էր 12 ընտանիք: Մրցութում մարզաձևերը վեցն էին՝ խաղային փոխանցումավազք 30 մետր, վարժություն բասկետբոլի գնդակով, պարանի ձգում, խաղային փոխանցումավազք մարմնամարզական օղակներով, հեռացատկ տեղից, խաղային փոխանցումավազք 80 մետր: «Մրցումներն անցան հետաքրքիր և անգիջում պայքարում: Մեր համայնքը ներկայացնող ընտանիքները գտնվում էին լավ մարզավիճակում, ինչը պատճառ հանդիսացավ, որ 12 մրցանակային տեղից 5-ն անցնի հանրապետական փուլ»-փաստեց Բյուրեղավանի «Մարզամշակութային հիմնարկի» տնօրեն Էդիկ Պիճիկյանն, ում ընտանիքը ևս մասնակցում էր մարզային փուլին: Մարզային փուլում հաղթող ընտանիքներն են՝ Պիճիկյանները, Ասատրյանները (մրցաշարին մասնակցում էին առաջին անգամ), «Լավագույն մարզական ընտանիք» մրցաշարում հայտնի Եղյանները, Դավթյանները և Հայրապետյանները: Ընտանիքներն այսօր իրենց պարապմունքներն են անցկացնում և պատրաստվում են հանրապետական փուլին: Մարզային փուլում տարիքային խմբերում 1-ին, 2-րդ և 3-րդ տեղերը գրաված մարզական ընտանիքները կպարգևատրվեն համապատասխանաբար 150, 130, և 100 հազարական դրամներով: «Լավագույն մարզական ընտանիք» հանրապետական մրցաշարը տեղի կունենա Ծաղկաձորում օգոստոսի առաջին կեսին:

27.06.13.